



## رسول اللہ ﷺ نا اخلاق

حضرت محمد ﷺ نی پوری زندگی تسانا نی سیرت پاک تمام انسانا واسطے بے مثال نمونہ ہے۔ تسانا نی سیرت ناسب تھیں روشن پہلو تسانا نے اچے تہ اعلیٰ اخلاق ہین۔ تسانا نا خلق عظیم سب تھیں زیادہ متاثر کرنا ہے ہور عالم انسانیت واسطے اک درس ہے۔

پکے مخالف ہور دشمن وی تسانا نے پاکیزہ اخلاق نے قائل سن۔ آپ ﷺ نہایت ہی نرم مزاج ہور خوش طبع سن۔ درد مندی بُر دباری، حلم تہ در گذر آپ ﷺ نی خوش اخلاقی نے جوہر سن۔ آپ نے مزاج بالکل سختی نیہہ سی۔ آپ کدے کوئی اتہجی گل منہہ بچوں نہ کڈھنے سو جیہڑی دُورے نے دل کی چُجھے۔ آپ ﷺ

زندگی پہر کسے نی عیب گوئی نہیہ کیتی۔ آپ ﷺ کدے کسے بُرے شخص نی بُرائی نہیہ کیتی۔ اگر کوئی گل آپ ﷺ کی چنگی نہ لگے درگزر کر چھوڑنے سن۔

اک واری آپ ﷺ بزار بچوں جارہے سن۔ اک صحابی آپ ﷺ نی خدمت پنج عرض کیتی ”اے اللہ نے رسولؐ! مگی اک مشورہ دیو۔ جے تُو تھوڑی چر واسطے اِتھاں کھلوتہ میں بزاروں سودائی کھر رکھی آواں۔“ آپ ﷺ فرمایا ”میں اِتھے کھلی تساہڑا انتظار کر ساں۔“ اوہ صحابی کھر جائی ایہہ پہنلی گیا کہ حضور ﷺ اُس کی اڈیکنے ہین ہو راوہ صحابی تیجے دن واپس آیا۔ اُس نے آپ کی اُتھے ہی کھلتا نا تکیا جتھے چھوڑے گئے نے سن۔ ایہہ ہے رسول ﷺ نی انسانیت ہو ر اخلاق نا اک ہو ر اعلیٰ نمونہ۔

اک یہودی نی بیوی آپ ﷺ کی دعوت نا سادا دتا تہ زہر ملایا ہو یا گوشت کھلایا۔ اُس کالسری سُن اپنے جُرم نا قراروی کیتا مگر آپ ﷺ معاف کر چھوڑیا۔ اک واری اک بدو حضور ﷺ اگے اپنے قرض نا تقاضا کیتا۔ اُس نے لہجے پنج غصہ سا۔ اک صحابی آکھیا تگی پتہ نہیہ جے توں کس ہستی نال گل کر رہیا ہیں۔ اوہ آکھن لگا ”میں تہ اپنا قرض منگنا ہاں۔“ حضور ﷺ ساتھیاں کی فرمایا

جے ”تُساں کی اِسنی حمایت کرنی چاہی نی ہے کیاں جے ایہہ اِس ناحق ہے۔“ فر اُس ناقرض بے باک کیتا، سگوں اسنے حق کولوں کجھ زیادہ رقم وی دتی۔ اک بُڈھی نا واقع وی بہوں مشہور ہے، جیہڑی آپ ﷺ پُر روڑا پھینکنی سی۔ اک تہیاڑے ایہہ عمل نیہہ ہويا۔ حضور ﷺ اُتھے کھلی گے تہ پتہ لایا جے کہہ گل ہے۔ پتہ چلیا جے بُڈھی بیمار ہے۔ آپ اِس نا پتہ کیتا۔ بُڈھی آپ نے اِس برتاؤ کی تکیا تہ فوراً ایمان لے آئی۔

مختصر ایہہ جے آپ ﷺ نی زندگی ناہر پہلو اعلیٰ تہ عظیم ہے۔ آپ ﷺ نے تمام انساناں کی مثالی اخلاق تہ بے مثل کردار نا عملی درس دتا۔ انہاں نا اخلاق پوری دُنیا واسطے مثلِ راہ ہے۔

## 1۔ اوکھے لفظاں نا مطلب:

- پاکیزہ : پاک۔ صاف ستھرا
- عالم انسانیت : انسانیت نی دُنیا
- عیب گوئی : کسے نی غیر موجودگی بچ اُسنے عیب پھلورنا۔
- درگزر : معاف۔ رفع دفع کرنا

صحابی : رسول اللہ ﷺ ناسا تھی  
 روڑا : کوڑا کرکٹ - سمرسوت  
 بے مثل : جس نی کوئی مثال یا مقابلہ نہ ہووے

## 2- مندرجہ ذیل سوالاں نے جواب دیو:

- (۱) حضور ﷺ نی سیرت ناسب تھیں روشن پہلو کہہ سی؟
- (۲) حضور ﷺ نے اعلیٰ اخلاق نا کوئی اک واقع بیان کرو۔
- (۳) کوڑا کرکٹ یعنی روڑا سٹن والی بڈھی نال آپ کہہ سلوک کیتا؟

## 3- ذیل پنج دتے نے واحد نے جمع لکھو:

- (۱) گل .....
- (۲) صحابی .....
- (۳) توں .....
- (۴) چنگی .....
- (۵) بڈھی .....

